



Otto apud Septentrionales populos natus & educatus, à teneris annis philosophiæ & artibus abstrusioribus operam dedit, atq; suis operibus se se magū & necromanticum celeberrimum declarauit, anno mundi 3935. Ferunt illum ad eo magna arte instructum fuisse, ut absque carina altum mare pererraret, et hostilia sæpe nauigia concitatis carmine procellis euerteret. unde ei apud Danos maxima piraticæ artis (quæ tum laudi dabatur) auctoritas deferebatur. Ut autem is negotiatoribus atrox, ita agrestibus clemens extitit. nam rustici operis munditias sordidi questus laboribus anteponebat. Is quandoq; dum Dani cū Nordmannis pugnarent, ita ui carminum hostilem hebetauit aspectum, ut districtos Danorum enses eminus radios iacere & scintillare putarent. hinc factum ut magna clade uicti Danis uictoriā reliquerint. Tandem tamen ab Erico fortissimo duce interfectus, eum uitę exitum habuit, qui ferè omnibus huiusmodi malis artibus instructis, communis existit. Sax. Gram. lib. . .